



DEPARTAMENTO TI EDUKASION TI HAWAII
ESSA Kualipikado a Mannursuro iti Hawaii
Pagtuladan a Pakaammo iti Karbengan ti Nagannak a Mangkiddaw Kadagiti
Kualipikasion ti Mannursuro
Tawen Akademiko 2025-2026

Patgenmi a Nagannak ken Agay-aywan:

Ti Linteg a Mangituyang a ti Tunggal Estudiante Agballigi wenno ti Every Student Succeeds Act (ESSA), ituyangna a ti/dagiti nagannak/agay-aywan iti maysa nga estudianteng nga adda iti babaen ti Departamento ti Edukasion ti Hawaii (HIDOE), ket addaan iti karbengan a mangammo kadagiti propesional a kualipikasion ti/dagiti mannursuro ket no ti ubing ket maipaayan iti serbisio babaen dagiti saan pay a lisensiado a mannursuro, nasken met a maammuan dagiti kualipikasionda. Ti linteg pederal, ipalubosna kadakayo a mangammo kadagiti dadduma nga impormasion maipanggep iti/kadagiti mannursuro ken iti/kadagiti saan a lisensiado a mannursuro nga agserserbi iti anakyo ken ibilinna kadakami nga itedmi kadakayo daytoy nga impormasion iti kasapaan a gundaway no kiddawenyo daytoy kadakami.

Addaankayo iti karbengan a mangammo kadagiti sumaganad nga impormasion maipanggep iti/kadagiti mannursuro ti anakyo.

1. No nagun-od ti mannursuro dagiti pagrukodan ti kualipikasion nga intuyang ti Estado ken lisensiado para kadagiti tukad ken kadagiti asignatura nga isursurona.
2. No naala ti mannursuro a mangisuro gapu iti emerhensia a kasapulan wenno ania man a gapu ti saan a permanente a kaaddana dita ket ti pagrukodan ti kualipikasion ti Estado ken kinalisensiado, saan a maipakat kenkuana.
3. No mangisursuro ti mannursuro iti tay-ak a paglainganna a kas nailanad iti sertipikasionna a kas mannursuro.
4. No adda man dagiti katulongan ti mannursuro wenno umasping a saan pay a lisensiado a mannursuro a mangipapaay kadagiti serbisio iti anakyo, ket no adda man, ania dagiti kualipikasionda.

No kayatyo ti makaawat iti ania man kadagitoy nga impormasion, mabalinyo nga awagan ti opisina ti eskuelatayo.

Mahalo,

Prinsipal ti Eskuela